

24. 9. 1625. grains
Lettres Patentes

du Roy, portant defenses de transporter hors de son Royaume aucuns bleds ny grains sans son exprès congé & permission.

Voilà la source de nos maux jusqu'à la revocation
Verifiees en Parlement le premier

Decembre 1625.

24. 9. bre



A PARIS,

Chez F. MOREL, & P. METTAYER,
Imprimeurs ordinaires du Roy.

M. DC XXV.

Avec Privilege de sa Maiesté.

Case

F

39

.326

1625 f.d.L

THE UNIVERSITY
LIBRARY



LOUIS par la grace de Dieu, Roy de France & de Nauarre, à tous ceux qui ces presentes Lettres verront, Salut. Sur les diuers aduis que nous auons receus de plusieurs de nos Prouinces de la disette & penurie des bleds & grains, arriuee, tant à cause des armées que nous tenons sur pied en plusieurs endroiets de nostre Royaume, & des gens de guerres qui ont passé pour aller au dehors, que par ce que la derniere moisson ne s'est pas trouuee si bonne, fertile & fructueuse qu'elle auoit accoustumé, dont il arriue que le prix du bled est de beaucoup augmenté & enchery en nos Villes & au plat pays, Ce qui cause vne grande incommodité à nostre pauvre peuple

A ij

qui seroit pour accroistre & le reduire
 en necessité, s'il n'y estoit par nous
 pourueu par l'ordre & police accou-
 stumee en semblables occasions. Sça-
 uoir faisons, Que nous pour ces causes
 & autres bonnes considerations à ce
 nous mouuans, De l'aduis de nostre
 Conseil, & de nostre certaine science,
 pleine puissance & auctorité Royale,
 Auons fait & faisons par ces presentes,
 signées de nostre main, tres-expresses
 inhibitions & defenses à toutes per-
 sonnes de quelque qualité & condi-
 tion qu'ils soient, de tirer ny faire
 transporter tant par eau que par terre
 hors nostre Royaume, & speciale-
 ment de nos Prouinces de Bretagne,
 Normandie, Picardie & Champagne
 en quelque pays & lieu que ce puisse
 estre, ny mesmes dans les Eueschez de
 Mets, Toul & Verdun, & pays de Se-
 dan, sous quelque cause, pretexte &

occasion que ce soit, aucuns bleds & grains sans nostre exprés congé & permission portee par nos Lettres patentes signees de nous, contresignées de l'un de nos Secretaires d'Estat, Et seellées de nostre grand sceau, sur peine aux contreuenans de confiscation entiere desdits bleds & grains, & de punition corporelle à ceux qui en feront la conduite selon la rigueur de nos Ordonnances. SI DONNONS EN MANDEMENT à nos amez & feaux Conseillers les gens tenans nostre Cour de Parlement à Paris, Que ces presentes ils facent lire, publier & enregistrer, & le contenu en icelle garder & observer exactement, Enjoignant à nostre Procureur general & ses Substituts d'y tenir la main, & faire pour cet effect toutes diligences & poursuites necessaires, Mandons aussi à tous Gouverneurs & nos Lieutenans

generaux de nos Prouinces, Capitai-
 nes & Gouverneurs particuliers de
 nos Villes & places, Baillifs, Senef-
 chaux, Preuosts de nos Cousins les
 Connestable & Mareschaux de Fran-
 ce ou leurs Lieutenans, Maires, Con-
 suls & Escheuins de nosdites Villes,
 Capitaines & Gardes establis aux por-
 tes d'icelles, & sur nos ports, peages &
 passages, & à tous autres nos Iusticiers
 & Officiers qu'il appartiendra, de te-
 nir la main chacun endroict foy, à
 l'exécution & obseruation de celsdites
 presentes: defendant tres-expresse-
 ment au dits Gouverneurs & nos
 Lieutenans generaux de nosdites Pro-
 uinces, Capitaines & Gouverneurs
 particuliers de nosdites Villes, de de-
 liurer aucuns passe-ports pour traictes
 de bleds & grains sous quelque pre-
 texte & occasion que ce puisse estre,
Sur peine de nous en respondre en

leurs propres & priuez noms, Et à nos Officiers qui sont sur lesdits passages, d'y auoir aucun esgard sur peine de priuation de leurs charges: Car tel est nostre plaisir, En tescmoin dequoy nous auons fait mettre nostre scel à cesdites presentes. Donné à Saint Germain en Laye le vingt-quatriesme iour de Nouembre, l'an de grace mil six cens vingt cinq, Et de nostre regne le seiziesme. Signé, LOVIS.

Et sur le reply, Par le Roy, DE LOMENIE, Et scellée du grand sceau de cire jaune sur double queue, Et sur ledit reply est encore escrit.

Leuës, publiées & registrées és registres d'icelle, ouy & ce requérant le Procureur General du Roy, pour estre executees, gardées & obseruees selon leur forme & teneur, & copies collationnées d'icelles enuoyees aux Bailliages & Seneschaussées de ce ressort,

pour y estre pareillement leuës, publiées, re-
gistrées & executées à la diligence des Sub-
stituts dudit Procureur General, ausquels
enjoinct d'y tenir la main, & d'en certifier
la Cour auoir ce fait au mois. A Paris en
Parlement le premier iour de Decembre mil
six cens vingt-cinq.

Signé, DV TILLET.